

M006: Höxterer Aegidius

0,1 zuo den selben êren .
0,2 die der himelhêrre .
0,3 gegerwet hât der vater dîn .
0,4 des manen wir dich trehtîn .
0,5 nû hilf heiliger Krist .
0,6 dû aller genâden vol bist .
0,7 enelender diete .
0,8 zuo ire heimuote .
0,9 dô der heilige man .
0,10 sîn gebet hatte getân .
0,11 und er sîne sünde geklagete .
0,12 dô hôrte er wâ man sagete .
0,13 eine gotelîche lêre
0,14 swer sich bekêren
0,15 mit wâreme herzen wolte .
0,16 daz er volgen solte .
0,17 den vier êwangelisten .
0,18 die sagent von den schriften .
0,19 sweme got verlîhet .
0,20 daz er sich verzîhet .
0,21 werltlîches gewinnes .
0,22 und er ze gote sinnet .
0,23 unde læzet kint unde wîp .
0,24 durch den êwigen lîp .
0,25 vater unde muoter .
0,26 swester unde bruoder .
0,27 sîne künnelinge .
0,28 durch die gotes minne .
0,29 eigen unde lêhen .
0,30 wil er gote vlêhen .
0,31 deme gibet er sîne hulde .
0,32 sô wirdet iz ime vergolten .
0,33 allez zehenzicvalt .
0,34 daz ist iedoch ein grôz gelt .
0,35 unde dannoch michel baz .
0,36 swenne iz kumet an daz .
0,37 daz er hinnen wendet .
0,38 von disem enelende .

0,39 sô wirdet es ime weiz got .
0,40 harte wole gelônnet .
0,41 der himel stât ime geoffenet .
0,42 sô ne weiz er niuwit umbe den tôt .
0,43 sô entvâhent in schône .
0,44 die gotes boten vrône .
0,45 unde antwûrtent in Kriste .
0,46 dâ ime niemer ne gebristet .
0,47 der mandunge .
0,48 der niemer nehein zunge .
0,49 volle zale ne getuot .
0,50 sô mac er wole wesen guot .
0,51 den die hinder ime den tôt .
0,52 leider hânt verdienet .
0,53 den mac er wole vrume sîn .
0,54 engegen unsen trehtîne .
0,55 ob sie werdent vunden .
0,56 gehôrsam an ire ende .
0,57 dise lêre vernam .
0,58 jener kindischer man .
0,59 der dâ heizet Egidius .
0,60 die buoch sagent uns sus .
0,61 von gote iz ime quam .
0,62 daz er in sîn herze genam .
0,63 einen stætigen muot .
0,64 dô begonde der hêrre vile guot .
0,65 die heiligen schrift lernen .
0,66 gote dienete er gerne .
0,67 daz tet er allez tougen .
0,68 wie dicke er [von] [den] [ougen] .
0,69 [die] [trahene] [liez] [vliezen] .
0,70 [sô] [man] [ime] die [rede] [süeze] .
0,71 [von] [unseme] [hêrren] sagete
0,72 sîne sünde [er] [dâ] [mite] [klagete] .
0,73 stille [in] [sînem] muote .
0,74 joh was der hêrre [guote] .
0,75 [von] [volleme] [edele] geboren .
0,76 sîne vriunde hatten [in] erkoren .
0,77 unde sîne liute [ze] hêrren .
0,78 swanne sîn vater [mêre] .
0,79 [in] [der] werlte [ne] lebete .
0,80 [dazz] sie in ze trôste habeten .
0,81 [sie] [wolten] [des] wænen .
0,82 swanne er swert næme .
0,83 er [würde] [ein] [guot] urlouges man .
0,84 [sînen] vîanden vorhtsam .
0,85 [des] [swertes] [er] [niht] [ne] gerete .
0,86 [wie] wole er bewarete .

0,87 [dazz] [ime] [lieb] was .
0,88 swâ er die dürftigen gesach .
0,89 [nacket] [oder] [vrostig] .
0,90 [hungerig] [oder] [durstig] .
0,91 den brâhte [er] [izz] [stille] .
0,92 [durh] [den] [gotes] [willen] .
0,93 [swâ] [er] die siechen vernam .
0,94 [vile] [schier] [er] [zuo] [in] [quam] .
0,95 sanfte er [die] labete .
0,96 die wâren [minne] [er] [habete] .
0,97 ze gotelîchen dingen .
0,98 die werlt was [ime] [dazz] minneste .
0,99 [swâ] er decheinen man .
0,100 vereischete in banden .
0,101 [oder] [in] karkære .
0,102 der wîsete er [ze] wâre .
0,103 er half in swâ [er] mohte .
0,104 [wie] dicke er [mînen] trehtîn .
0,105 zuo dem münstere suochte .
0,106 umbe [die] werlt er nie ne ruochte .
0,107 wene daz er [vüre] sie [betete] .
0,108 die wîle daz [er] [lebete] .
0,109 der sælige Egidius .
0,110 [was] [in] [sînes] vater [hûse] .
0,111 [mit] michelen [êren] .
0,112 [deme] [heiligen] [hêrren] .
0,113 [von] gote eroffenet wart .
0,114 [ir] beider hinevart .
0,115 sînes vater unde sîner muoter .
0,116 sie genuzzen sîner güete .
0,117 man bestatete sie [mit] êren .
0,118 dâr nâch vile schiere .
0,119 sîne manne ime rieten .
0,120 er solte swert leiten .
0,121 sie sprâchen [es] wære michel zît .
0,122 daz er næme ein [wîb] .
0,123 unde gewünne einen erben .
0,124 dô bat der kindische [man] .
0,125 die hêrren eines vristes .
0,126 er sprach daz er ne [wiste] .
0,127 waz [er] [mit] swerte solte tuon .
0,128 iz ne wære niht wene [ein] [ruom] .
0,129 sie [ne] [dorften] des niht sorgen .
0,130 er ne gewünne [guoten] erben .